

Egipto: lurrikara batek ehundaka pertsona hil ditu Kairo iparraldean

Al-Kaliubia probintzia izan zen Egiptoko eskualderik kaltetuena

Gutxienez 350 pertsona hil dira Egipton atzo eguerdian izan zen lurrikararen ondorioz, bertako Barne Ministerioak atzo emandako behin-behineko informazioaren arabera. Kairo hiriburuan ere nabaritu zen lur dardarak Richter-en 10eko eskalan 5,8ko intentsitatea izan zuen eta hogeitabi segundutan herritarren izua sortu zuen.

KAIRO

Barne Ministerioaren komunikatuaren arabera, hildakoez gain 2.000 pertsona zauritu ziren, Egipto bere istorian astindu duen lurrikararik indartsuenean. Biktima kopuru handiena Kairoko Guiza auzoan izan zen, eta bertan 100 lagunetik gora hil ziren; aipatzekoa da Kairoko aireportuan lurrikararen eragina nabaritu zela eta jendea izuturik korrika aritu zela batetik-bestera noraezean.

Egiptoko telebistak adierazi zuen Atef Sedki lehen ministroak eta bere Kabineteko ministroak bilduta zeudela ezohizko bileran, beharrezkoak diren neurriak hartzeko. Albistegian eroritako etxeak, kotxe eta beste mota batzuetako automobil zanpatuak erakutsi zituen Kairoko irudiak ematean. Dozenaka eraikuntza, batez ere Egiptoko hiriburuko alde zaharrean behera joan ziren, baina hiriko toki askotan komunikazioak etenda zeuden eta ezinezkoa zen tragediaren laburpen zehatzik egin.

Barne Ministerioak dei egin zion herriari, lasaitasuna gorde-



Lurrikarak eragindako kalteak Kairoko alde zaharrean nabaritu ziren batez ere.

AP

✓ **Kairoko Segurtasuneko zuzendariaren arabera, hiriburuko biktima gehienak jendeak ihesari ekitean eragindako izuaren ondorioz izan ziren.**

tzeko eta beren etxeetan egoteko eskatuz, hiriburuko Segurtasuneko zuzendariak biktima kopururik handiena jendeak ihesari ekitean eragindako izuaren ondorioz izan zirela adierazten zuen bitartean. Izan ere, lurrikarak eragindako beldurraren eromenean ehundaka mila pertsona irten ziren kalera eta trafiko guztia blokeatuta geratu zen.

Hildakoak gehiago izan daitezke, lurrikararen eraginez Es-

tatu barruko komunikazioak etenik geratu zirenez berriak oso astiro ailegatzen baitziren, baina kopurua asko ez dela igoko zioten bertako agintariak, eta tragediaz atsekabeturik bazeuden ere, Allari eskerrak eman zizkieten 16 milioi biztanle dituen hiriburuan hogeitaz hildako «besterik» izan ez zelako.

Hosni Mubarak presidentek Asia eta Europako estatutan zehar ekin zion bidaiari bertan

behera utzi zuen Kairora joan eta lurrikarak eragindako kalteak neurtzeko. Egiptoko telebistaren arabera, Mubarak Txinan zegoen duela bi egunetik, eta ondoren Ipar Korea, Polonia eta Errusiara joan behar zen, baina lurrikararen berri jakin bezain laster Beijing Txinako hiriburuko aireportura joan eta Kairora eramane behar zuen hegazkina hartu zuen.

Maiatzean ere beste lurrikara bat izan zen Egiptoko hiriburuan, baina orduan ez zen biktimaren berririk eman eta eragindako kalte materialak ere ez ziren handiak izan. Orduetik atzo arte, herriarrek beste mugimendu batzuk nabari zituzten.

Serbian egindako erreferenduma ez da hauteskundeak aurreratzeke gai izan

BELGRAD

Serbian igandean egin zen erreferendumaren osteko lehen emaitzen arabera, hautesleek % 45,6 baino ez dira hauteskundeak aurreratu eta aurrez bertan egitearen aldeko gertatu. Serbiar gehienek eskakizuna gogobetetzeko beraz, beharrezkoa izango da aurrez Parlamentua desegitea. Serbian indarrean dagoen Konstituzioaren arabera, behar beharrezkoa da hauteskundeak aurreratzekoan hautesleek «erdiak gehi batek» baieztatu botoa ematea. Igandean egin zen erreferendumaren ondoren emandako lehen datu ofizialen arabera ordea, aldeko botoak erdira ere ez dira iritsi.

Datu hauek ordea, behin-behinekoak dira, atzo artean zenbaitzute baitzituzten Serbiako hiri handienetako botoak. Zoran Djumic, Serbiako Hauteskunde Batzordeko bozeramaileak agertarazi zuenez, Belgrad eta beste hautesleku garrantzitsuetako emaitzak argitzearekin bat jakingo da ofizialki erreferendumean zein aukerak irabazi duen «gerora behin-behineko emaitzek aldaketak izan ditzakete eta».

Emaitza hauek azken ofizialeko alde handirik izaten ez badute, agintari serbiarrek hauteskundeak aurreratzeko beste bide bat ere izango dute aukeran. Serbiako Konstituzioak herri galdetaz gain Parlamentuaren

desegitea ere aurreratu baita hauteskundeak aurreratzeko baldintza gisa.

Dobrica Cosic eta Milan Panic, Jugoslaviako presidentek eta lehen ministroak, iragarri zuten lehen emaitzak jakin aurretik erreferendumaren bideak porrot eginez gero bigarren aukerari eutsiko ziotena. Izan ere, Lehendakaria, oposizioa eta baita herria ere «Milosevic aroarekin amaitzeko prest agertu bait dira honako honetan. Slobodan Milosevic, Serbiako lehendakaria Parlamentua desegitearen aurka agertu zen hauteskundeak aurreratu den bora irabazteko asmotan.

Erreferendumak arrakastarik izan ez duen arren, NBek Serbia



Milan Panic.

eta Montenegrok osatzen duten Jugoslavia Berriaren aurkako blokeoa indarra jarri baino lehenagotik ere hautesle gehienak aurka zituen Milosevicek. Negu gogorrarekin ordea, Serbiako lehendakariaren aurkako presioa gogortu egingo dela sinestuta daude bertako indar nagusiak.

Erresuma Batua
EKtik kanpo utzi
nahi dute 'The
Times-en' arabera

LONDRES

Europako Komunitateko joera federalista nabarmena duten estatuek eginitako hitzarmen «sekreto» batek Erresuma Batua eraikuntza europarretik at utzi lezake, britainiarrek Maastrichteko Hitzarmena berresten ez badute, atzo 'The Times' egunkariak kaleratu zuen berriaren arabera. Europako Batzordeak berehala gezurtatu zuen berri horrek zioena, hau da, ustezko hitzarmen horren zirriborroak Europaren federalismorako bidea hartu nahi ez duten estatuak «ziurrenik Erresuma Batua» zioen artikulua kanpo utzi nahi dituela, eta helburu horrekin estatu talde batekin Europako Batasun berri bat osatzea aurreratu duela.

Europako Batzordeak ez zuen astirik galdu informazio hau gezurtatzeko, eta zentzugabetzat jo zuen «batez ere une honetan, Maastrichteko Hitzarmenaren berrespen prozesuak bide onari eutsi diotenean». Frantziako erreferendumaren ostean Helmut Kohl eta François Mitterrandek izandako bileran oinarritzen zen 'The Times' berri hau zabaltzeko orduan.

Txinako
komunistak
erreforma bideak
bultzatzeko prest

BEIJING

Atzo zabaldu zituen ateko Txinako Alderdi Komunistaren Kongresuak. Erreforma bideak eta Soviet Batsunaren gisako egoera saihestuko duen iraultza ekonomikoa gai nagusitzat harturik bi mila ordezkari bildu ziren atzo.

«Helburu eta ezaugarri nagusi produkzio bideak oztotatzeko dituen egitura ekonomikoa aldatzea duen iraultza berri baten hasieran gaude», ziurtatu zuen Jiang Zemin Txinako Alderdi Komunistako idazkari nagusiak kongresua ireki zuen hitzaldian. Kongresuan bildutako ordezkariak Deng Xiaoping agurak 1978 urtean hasitako erreforma bideak bultzatzea dute helburu nagusi, orain arteko abiaduran jarraituz gero, herriarrek eskariak asetzeko ezinezkoa gertatuko delakoan.